

翁庵吟草提要·黃鶴仁

陳槐澤，字心南，號翁庵，光緒十一年生，嘗與研社、星社，號秋星。昭和七年，繼張純甫松社教席。臺員珠還，為松山國校代用教員，民國五十二年卒。

翁庵能詩、善書，與弟覺齋薰南同為士林所稱。少與魏潤庵結金蘭契，共以蘇詩為宗，潤庵崇博麗，而翁庵尚清俊。歲甲午，值七十華誕，弟子謄其《翁庵吟草》為祝。勘誤輒以紙糊其字上，余得蘇清林翁藏本，倉促影印，歲久紙落，無從是正。今之校刊，雖非作者原意，要為不失奇文之賞，雖可憾，亦足珍，是猶差可慰也。

俞庵吟草 目錄

陳心南著、黃鶴仁編

桃花扇書後……………	一	中港城西次韻	
仙洞歸舟絕句		元日試筆……………	四
元日宿獅山開善寺贈僧真淨		大窠坑道上作	
登觀音山分賦		寄枕肱室	
寄園小集和韻……………	二	贈萬山	
與李良弼曉游古奇峰時大觀山館已圯		臺北驛待母未至書事……………	五
題石鴻元水墨蘭蕙		沙格鄉親見訪感賦	
過新臺北橋次韻		送許壽彭之思明島……………	六
雙溪……………	三	聊息廬家讌有作	
散策書事		會錢蔡北崙於涵虛樓	
稻江除夕寄李翁天驥		送筑客還梓	
過潤庵新居		書友人見示梅枝酒甕圖卷……………	七

網溪別墅觀菊主人令賦雪裡嬌書以博

粲

三張犁道上作，是日同遊為克恭、友鶴

父女等，暨室人共九個

登四獸山同賦

揀炭女

清源內兄六十壽詩……………八

春遊書事

歲暮吟……………九

似鼓山僧宗鏡

吟鞭

錢筒

白酒……………十

友鶴出示月圖

冬至日作

翰堂索書因贈

題靜修院……………十一

鼻疾手術似玉階

移寓入山寄親友……………十二

小蘇髯銀婚讌集詩

怡樓吟集

其美同社見過十室村

蘭汀洗塵詩……………十三

得可軒、夢周、癡雲會於叢慶堂

留別諸同人

代柬寄玄中兄……………十四

魚鮪謠寄梅生

冬日吟和筑客……………十五

代東酬月齡	二十
友鶴齋席上贈郭接傳有道	
共餞陳聖鑄南行因詩以壯之	
牴尾羹歌示雪庵	十六
讀范石湖吳船錄寄覺齋	
茶飲詩次覺齋韻	十七
白竹	
奉酬北投林公館主人會友之作	十八
代東酬雪庵寄新竹餅時將赴松山詩會	
臨風	
花晨	
嘯霞、覺齋同過照頭山莊賦此示之	
送林錦銘之鷺門	十九
索句尺園，時主人社渚新宅適就	
鏞經令慈壽詩	二十
即席贈克恭	
賦似小蘇髯	
和覺齋鹿寮之作	二十一
晚秋訪素園得見字	
擁爐吟	
同人約夏日謁聖不果	二十二
冬日雜興	
照頭山莊話雨	
聊息廬主人醺罷留宿	二三
共此絃竹陰與覺齋同賦	
次韻可軒夏日感興	
逢可軒於梅林書屋走筆贈之	二四
癡雲代鷺村柬招吟集於雙溪箕園賦此	

酬之

颺後代東寄覺齋四

題尺園社渚新居

颺後歸照頭山莊……………二五

蝸牛詩和韻

誘鶴齋小集

林文訪招遊板橋舊第之作……………二六

依嘯霞古稀吟原韻即以奉壽

挈摩天行於網墅同作……………二七

獅山紀游

書歸仁錫權先生墓石四首

太魯閣峽歌……………二八

光復感賦

光復經稔，歸竹南賦此寄慨……………二九

次韻奉報文訪兄惠詩

冬至日閒遣寄弟

讀文訪兄等遊馬武督詩賦寄……………三十

春酒

根茹兄以新居謀開詩會見招，賦此寄之

賦詩風答友生……………三一

於叢慶堂懷文訪兼似夢周

次韻奉酬夢周兄

晴郊……………三二

覺齋來談木蘭花事即興

酬香林兄寄懷之作

壽春潮兄七十

過圓寰……………三三

尋菊

月下

辛卯詩人節紀念鄭成功

松江春日……………三四

覺齋答詩次韻卻寄

詩會

翁庵吟草

陳心南著·黃鶴仁編校

桃花扇書後

在昔朱明德已涼，夢夢尤可斷人腸，誰言春夢從來短，若較南朝尚覺長。

仙洞歸舟絕句

人言仙洞堪游目，也買輕舸試往還，莫問洞門誰勒石，殘碑聊當晉唐看。

元日宿獅山開善寺贈僧真淨

不辭行腳倦，絕勝折腰譏，紆鬱中休屢，昏黃上界遲，一真知爾道，三白止吾飢，明發煩相引，山泉聽已奇。

登觀音山分賦

曾來拾級汗盈袍，拂策看人興又豪，既共憑高還望遠，誰思所得自償勞，雙尖翠落凌雲寺，一路紅翻夾竹桃，甚欲更行登絕頂，下方暮色動林皋。

寄園小集和韻

又勞袖月

自註：
月餅。

助閑談，酒後斯床屢共貪，漫語且同誠足適，麀詩欲再

恐難堪，雙裘漸薄知霜重，萬木無聲覺雨酣，料得香閨人未寢，一燈如

穗待心南。

與李良弼曉游古奇峰，時大觀山館已圯

自笑游山有例規，上山每速下山遲，仍須屐齒行今樂，焉用峰名究古奇，

大觀

去聲。

幾回煙過眼，青天依舊月懸眉，明朝順道鄉關去，春海觀漁或有

詩。

題石鴻元水墨蘭蕙

屈原年代及茲深，剩有離騷見昔心，偏被畫家知此意，行吟日日楚江陰。

過新臺北橋次韻

卻從橋上憶前朝，小閣春寒病未消，臥聽門前車似水，滿街士女過新橋。

雙溪

秋山高迥野村低，稻浪青青叫竹雞，漸覺引人吟興動，士林小路到雙溪。

散策書事

共因久雨愛初晴，駢策郊原爛漫行，意外威紆蒼谷合，耳邊磔裂怪禽鳴，
藤梢刺眼吾能避，石角鉤衣子莫爭，肯似阮公徒痛哭，窮途咫尺見高明。

稻江除夕寄李翁天驥

愚人無事掛心腸，臥看家人送歲忙，稚子春衣爭試著，老妻朝賽早新妝，
亦燒爆竹香縈戶，仍辦圍爐酒滿觴，卻憶李翁能念舊，三年除夕在他鄉。

過潤庵新居

平家出入雖云便，豈若樓居氣象寬，卜築或為兒媳計，圖書足共友朋歡，
雨雲翻手今為烈，車笠毋忘古所難，甚媿吾愚無善告，濃陰一葉十年間。

中港城西次韻

空說吾中美在溪，每歸僅及小城西，病來厭見魚腥富，雨後欣聞米價低，處處秋收望晚稻，家家豚柵配雞栖，鄉間習俗知醇厚，婦女長裳與蹠齊。

元日試筆

十載開正罕自親，反須世例問家人，滿添年飯流風古，小換春聯興味新，絃服驅車紛過客，登廛話雨得嘉賓，看人畫卷方欣羨，粉本王蒙未問津。

大窠坑道上作

健腳當年頗自誇，邇來行遠稍思車，俗勤溪壩還栽稻，春晚山梅正發花，細石軟塗新道路，覆茅張篲野人家，笑逢田父詢城市，卻羨紅塵富物華。

寄枕肱室

掃地焚香百慮澄，並忘局外市塵蒸，窮經挽近方專力，居室因何號枕肱，自笑此身雖俗化，尚知其樂是師承，勸君勿學東坡輩，車馬敲門默不膺。

贈萬山

盛矣登瀛百二賢，古稱董奉是神仙，相逢岐路諸朋在，獨與仁兄一面緣，留語同臨高義閣，落花新掃晚春天，眼中少壯能無感，文字空談又十年。

台北驛待母未至書事

吾母發竹南，電報傍午至，情切趨驛迎，時早空延企，驟雨挾風霆，奔走紛警吏，喧闐又一時，刺人何其肆，此訊時有聞，悍習使人悸，行兇例暫逃，被戕慘莫譬，及其扶上車，始見傷在臂，流血如注泉，性命等兒戲，儘知法網密，難禁攜利器，縱懷不平情，何處無公議，奈何相讎殺，彼此肉痛累，不思戕人心，其苦甚於刺，吾勸眾豪客，退忍留地位，莫信三生說，猶有再世事，天堂豈在天，地獄即在地，淒慘及其人，上下背恩義，胡不試回首，爾後誰涕淚。

沙格鄉親見訪感賦

卅稔重逢似隔生，年餘避地最關情，徒聞氏族分強弱，到處鄉親若弟兄，

公井有規防汲濫，捉姦遺習得人驚，兒時總羨湄洲樂，鐵管筠籃鑿石鯉。

送許壽彭之思明島

吉行自足證因緣，漫說難為是別筵，未暇茫茫愁後會，卻看得得著先鞭，治身誠切常三省，小楷端方每數千，應有好音來報我，江湖日麗白鷗前。

聊息盧家讌有作

書畫明窗生古香，掃空案牘整匡床，八年公事連髭白，一賦閑居清夢長，誕日鬪堂忙裡樂，陂流繞戶暑時涼，正因舊有金蘭契，家醪還來伴舉觴。

會餞蔡北崙於涵虛樓

宿恙於今想已安，朝攜鐵策下層巒，西來翰墨饒奇氣，南國風霜過大寒，從此應多新事蹟，論交不失舊朋歡，涵虛卻笑尤先至，獨聽琴歌是伐檀。

送筑客還梓

詞賦江關過卅霜，馬融絳帳阮生囊，飄洋兩度因懷古，食菜頻聞念故鄉，

香象金鵝留別句，牙籤玉軸壓歸裝，君歸仍作傳經計，教學雙修樂未央。

書友人見示梅枝酒甕圖卷

紹興取甕見風流，配以南枝致又幽，似畫雁門詩半句，買花沽酒避紅舟。

網溪別墅觀菊主人令賦雪裡嬌書以博祭

植竹扶其弱，凌寒更絕塵，願求貞白品，歸遺比花人。

三張犁道上作，是日同遊為克恭、友鶴父女等，暨室人共九個

村寓連旬聽市譁，野遊相約且攜家，行人避路惟車炭，近舍閑田多種花，
萬綠寰中山軌直，三張犁畔鷺行斜，眼前足證農家苦，稚女挑薪兩髻丫。

登四獸山同賦

地形尚物未云無，附會仍多累勝區，且以吟筵陳草莽，亦防蟲豸損皮膚，
連峰翠影延清賞，下界炎埃是畏途，可愛山花多不識，晚風吹動綠珊瑚。

揀炭女 松社擊鉢於克恭某炭坑。

城市嬌姝手似銀，調脂弄粉鬥時新，焉知揀炭場中女，始是知雌守黑人。

清源內兄六十壽詩

周甲筵將近，吾兄悅可知，庫儲老紅酒，瓶選晚芳枝，虛譽笑多事，零星問小兒，想應憐俗冗，不索壽屏詩。

五十嘗徵序，於文未敢論，學滋知不足，言貴要無繁，憶昔聯秦晉，看余比鳳鵠，焉知十年別，決起只籬藩。

客地難從便，應憐女弟情，及茲逢令誕，且使補歸寧，每感傾情厚，長慚往物輕，賀箋連數紙，祇欲表余誠。

弧祝年年舉，賓觴逐歲添，及聞堅卻賀，誠解益由謙，有善同人作，三多以德兼，看誰能比擬，壽宇滿鸚鵡。

春遊書事

催春極力笑東風，過市穿城折小東，頗憶旗亭時酒白，厭爭馳道軟塵紅，

吟邊寄興緣情在，欄外群芳醉夢通，媿向當筵數年少，無憂無悶亦成翁。

歲暮吟

若干備春糧，幾何積冬炭，中饋急年關，屈指朝暮算，勞之以勿算，山茶亟去看，十日不窺園，紅白爭爛漫，匪佛能化身，傾羲旋再旦，貧家百事紛，得肉欠蔥蒜，年關為何物，語之誠浩瀚，曆可分陰陽，臘不同周漢，皆衡物務繁，約束整分段，但知日積年，持家庶一貫。

似鼓山僧宗鏡

風窗爐火雨花邊，山意春和欲動前，恰喜清僧來杖錫，偏憐癡客戀茶煙，憑空著想知無礙，破執隨機幸有緣，頗怪禪門多派別，一宗非誓不輕傳。

吟鞭
蘭陽擊鉢。

貧來不用小奚囊，路指聯吟地一方，自笑行空天馬意，騷壇猶未脫名韉。

錢筒
松社擊鉢。

書香銅臭戒雙癡，紅漆郵筒每納詩，亦異故憎阿堵物，偏難私蓄似兒時。

白酒 松社擊鉢。

席間有客韻慵拈，體制區區句莫添，野驛何花冬爛漫，江鄉維雨日廉纖，荒疏作草偏旁失，牽合成詩痕跡兼，好是吟餘無箇事，仍斟白酒到盃尖。

友鶴出示月晷

滌筆冰壺敢漫評，奚從獲此古縑橫，烘雲託月工恒見，讀畫觀圖眼未盲，豈易圓光論彼相，難將孤潔入常情，想應天外飛仙筆，不肯人寰落姓名。

冬至日作

便饌迎賓節祀殘，有朋自遠得奇歡，勿輕冬至言陽復，誰信春和釀小寒，淫雨野櫺天似漏，掛屏時曆歲云殫，平生甜物雖無嗜，歲歲紅糲愛更餐。

翰堂索書因贈

吟壇後起子稱賢，亦信評書筑客偏，既屬不妨供一粲，論功約計未成年，

空聞守駿寧從跛，敢問憑虛竟欲仙，只合三家村學裡，啟蒙字格寫先天。

題靜修院

取捷徑再迷，農疇杳佛屋。待久想同儕，觸熱忘三伏，晤言亦自笑，籬外見刈穀。地應汐止冠，院為蘇家築，平時雖數來，吁嗟途未熟。冰淨女住持，似即圓頓族，剝果雙樹陰，繫夢半谿竹。卻愧珠玉前，吾詩如脫輻。

鼻疾手術似玉階

鼻疾既劇思上醫，意中黃子數年舊，家在板橋業在基，幾回海屋話清晝，君於咽喉耳鼻科，知者儘知得奇授，矧多書畫足開心，咫尺輕車易趨就，入門見面知近情，同病求醫繚左右，肅然著我手術床，閉目斯艱從未邁，自顧平時少禱祈，病當剗浣神豈佑，嘗謂郢斲古虛言，鑿骨如今眉免皺，祇聞几上刀圭聲，斗覺病鬆上顎竇，於乎是疾不尋君，豈僅六根失芬臭，

更承留飯烹小鮮，踏閣觀聯耽靜秀。

移寓入山寄親友

白頭書記得閒身，未廢披書振俗塵，工廠時聞喧酒肉，詩心原自在松筠，
三遷總近端陽序，一意來為友衲人，安得親歡同此味，此山茶有不知春。

小蘇髯銀婚婚讌集詩

喜讌雙林照蚤春，曼陀岩茗款同人，佛慈綺語原非取，情正奩詩亦足珍，
多少錫婚猶自詡，漸徵鳳卜似前因，修園兩載書無進，愧爾朝雲洗硯頻。

怡樓吟集

覓句臨風欲夕曛，人來久見話離群，似應限韻時皆爾，免甚兜題我亦云，
飛閣捲簾江艇去，一甌入手島茶芬，不知昨夜中秋月，有似山間皎十分。

其美同社見過十室村

村酤亦與醉騰騰，野處誰尋傍竹塍，謬許吾貞無絕俗，愧言其孝是良能，

從來入社同無幾，應有佳篇見未曾，一樣倚閩人望子，留君容易共篝燈。

蘭汀洗塵詩

一番經歷一番才，踐約怡廡待子來，責告粵東司鐸了，讌由松社洗塵開，苦心吾道能孤詣，脫手新詩謝剪裁，聞道及時思再渡，春風莫負嶺南梅。

得可軒、夢周、癡雲會於叢慶堂

買車下照頭，車疾每難制，昨飯古錫口，風陰臨夜霽，厥颯看莫成，此會笑可繼，隔室放茶芬，樹影幽堂砌，叢慶亦久違，孔懷新返榼，客有夢周生，腹稿翻揭厲，許彼海棠詩，觸物猶念繫，奈知西府珍，豈為一慵滯，生事各鏹分，向來幾接袂，蝸居輟遷轉，順應無不濟，入林雖稍深，一草亦清麗，有時望停雲，奚當致親契，即茲秋月新，乘興足清睨，不然採芝蘭，亦行與偕逝。

留別諸同人

好託慈親怕遠行，祇慚就食遠鷗盟，別筵困酒連三夜，拈韻成詩幸八庚，
小雨馳車疑葉響，大爐烹茗作溪聲，來朝野牖坑場上，先要裁書報月齡。

代東寄玄中兄

側鋒細字亦顏筋，短札嘉招亦足存，裹以霜縑攜入社，示諸法鑿話來源，
時稀我輩枯吟集，啣闕君家舊酒尊，問訊園梅今借便，報章期及嶺南盆。

魚鮠謠寄梅生

盛心彫朽君已癡，年年送物今魚鮠，百來一往亦自疑，古之知我意如之，
益遷益遠尤令思，新開市港烏魚時，村盤上品掘薯蕷，就食草野從土宜，
遠坳陸海產寧知，交通僻遠使託移，開包發札光陸離，行草飛動物稱儀，
一掃江瑤媿荔支，爐醕既備籌蒜絲，照頭吟屋亦自奇，煙鬢照座妒雲眉，
惓惓長媳腹中兒，亦趁出殼爭新禧，明應除夕為開脾，圍爐下酒誰肯辭，
閑襟面崦菊點籬，亦思有以酬君貽，贈瑤報李意在茲。

冬日吟和筑客

頗因萌蘖望春溫，果見詩郵續及門，畜旨在垆時草草，寒雞鳴埭雨昏昏，老尤氣候關情緒，近學襟顏向酒尊，合與親歡知俗喜，蘭陔新亦更增孫。

代東酬月舫

從來琴罷始研朱，似聽開荒帶易鋤，米芾同顛時所諒，盧同之興近何如，固思太古千盤谷，況得芻萊一紙書，爭奈早寒乘屋亟，茅龍衣換照頭廬。

友鶴齋席上贈郭接傳有道

剩將醉稿未修刪，好興何妨乘夜還，最憶西庄煙外市，為陳茶具柚花間，連宵醺此猶驚酒，今日因君更下山，亦自緣時常裹足，卻從田野一怡顏。

共餞陳聖鑄南行因詩以壯之

應會固可言，別思盈已浩，我聞主語官，象寄各專考，一旦決南行，五年共東道，匪惟相荐推，文字契亦早，表其奉檄歡，告以彈冠好，下山

召割烹，餞燕豈草草，感君飛動意，似欲忘吾老，鳳臺定堪登，韓堤可探討，必副同席期，相望隔雲島。

犗尾羹歌示雪庵

壽峰按：稿從牛從犗，當誤。《廣雅》釋獸：「犗，雌也。」《玉篇》：「犗，母牛也。」

幾疑古之謬愛豈若此，足音空谷定之子，時分藏茗沃藜腸，每泥山人事毫楮，九齡輟誦老邱媵，木石焉能養筆髓，輒當鼓舞興再豪，妄躁例貽作後悔，茅簷留宿從後期，相送江關越垌市，百勞終東燕終西，離合消遣情而已，無分場沙跋馬龍，浪為食客車如水，謝君不責掃壞冷金箋，更饗我稻垣露店羹犗尾。

讀范石湖吳船錄寄覺齋

隨身自有書，誤裏意不著，雖常報我觀，客裡未遑目，往往世中事，婉轉乃成局，白水發光相，白水、光相，二寺名。，牛心下樟木，二嶺名。，斯誠或絕觀，足駕上清樂，綸巾送使吳，長鑣歌滯蜀，復有斯人徒，夷陵一回矚，病蹠少

行艱，越海晚未續，碑刻萃二林，東、西林二寺。，歐書羨說肉，溪流危峽灘，閭閻富水竹，持此且臥遊，何時可著腳，善本不出門，少留耐敦促，重以祕笈珍，申章繼簡牘。

茶飲詩次覺齋韻

意中幾能秋興逸，茶詩絕好無須惑，介翁之史曾摩挲，精言一二猶記憶，平生品點付尋常，爭似留心意深得，頌勳訐弊過者多，自會圓機遣誰測，盛稱白嶺與格山，是處青心幾生息，山齋舊貯岩氣存，雖說物情亦人力，報君近況君應嗤，煮飯籬花傲雲色，老荊病酒茶政翻，沙罐焉能飲以式。

白竹

誠多綺袂譬梅花，或有吹煙喻紫霞，不見此君貞自守，亦從白眼俗相加，數莖為我妝山寓，淡翠留人倚碧紗，寄語藝園區植物，莫將孤直混黃麻。

奉酬北投林公館主人會友之作

高齋別置傍雲岑，儘日閑忙為盍簪，執事賓筵工整飭，綠陰暮略寄遙深，
面天嶂有嗟何隱，不動瀧幽記夙尋，喜和新詩當自戒，纖腰周昉莫強臨。

代東酬雪庵寄新竹餅時將赴松山詩會

幾個論書髓且通，焉能久缺未相望，苦將詩格時違俗，笑接郵封正倚裝，
沙罐急呼新凍頂，膏皮又試錦珍香，報君一事君應賀，畫展看兒入選場。

臨風

美睡從來覺有功，山齋霜曉卜晴空，離披園菜過溝綠，爛漫籬花煮飯紅，
詩筆自難描寄意，畫家誰解寫臨風，懷人不遠徘徊處，野驛郵筒嶺霧中。

花晨

雜英漫紅紫，嘉卉有始萌，海棠何時發，點綴露臺晴，叢慶隔月餘，盆
植復傾城，最憐山茶花，卑與躑躅爭，鄴架照宮粉，書窗光琲瓊，紫綿
如即是，絳雪何以形，把茗識秋焙，賞物並恒情，寓廬繚巖壑，清閨子

所名，苟能便勝具，山谿有杜蘅。

嘯霞、覺齋同過照頭山莊賦此示之

拂曉坑圃雨，新畦翠未疏，南風識佳客，入戶拂襟裾，光儀上舍後，逸意探茶餘，復能輕遠阻，念舊積居諸，縣橋接矮隧，坦然驅行車，沒徑生野芳，童稚翻室廬，竊以怪吾季，自慣骨肉居，欲兄蓬華輝，胡不先一書，幸許命山廚，石泉炊甘藷，聽說上南嶺，雀舌邇何如。

送林錦銘之鷺門

渡廈行裝正急治，還攜晉帖示書癡，朋儕分道多騰達，社讌關心又別離，二島相望衣帶水，老梧應有鳳棲枝，送君江閣看雲語，勉寄新詩慰夙知。

索句尺園，時主人社渚新宅適就

尺園容易附衡茅，鮪海歸帆春夏交，文物關心應再渡，咄嗟隨意有佳肴，雨過月橘尤妝翠，芳動香椽已著苞，即併遷花新宅去，嶺南梅雪可容拋。

鎔經令慈壽詩

從來同事喜相存，約及鷗盟壽席溫，奉檄我無東粵夢，忘憂君以北堂護，
即今奉母開歡讌，又見維祺萃善門，最是老荆常羨處，六旬和媳競搖孫。

即席贈克恭

小趁辛盤敘一歡，為公負責共知難，歌詩社讌觴盟主，杏柳江春入畫欄，
至竟民群親有德，怪能市議中音仲於官，尊前吾輩平居意，豈特風騷固坵
壇。

賦似小蘇髯

候蟲時籟度林梢，靜夜玄言未易拋，亭院涼隨雷雨至，閭閻暑盛夏秋交，
南圖夢裡知迴首，康誥溪邊好結茆。會待來春相就豫，新開畦畛訪芳苞。

和覺齋鹿寮之作

聯步共孔懷，紆餘話茗飲，職隙當歲時，露杖固仙品，發市早及門，岑

窗猶曉寢，數里鹿寮間，溪光明綺錦，不遠復能幽，時節無霜凜，我外莫誰云，不至亦經稔，乃能盡室來，骨肉歡已甚，岸底小紅廬。相識得未審，世味混酸鹹，嗜此見天稟，陽復憶幾時，遠綠疑墨瀋，藥餌可采擷，石泉堪漱枕，想應小山廚，親爨遲叔嬭。

晚秋訪素園得見字

琢句約龍峒，探驪欲誰援，路葉紛黃埃，閒園閉蔥蒨，適意晤幽人，夕寒驚候變，危綠怯西風，短談接莊醺，罐果天味存，時葩疏火炫，忘形豈木石，修辭戒餘狷，朋歡企能常，行素壺中見。

擁爐吟

試為擁爐吟，為我炆柑治酒渴，老妻舊歲常牽思，雉子新正只喧聒，敵寒幸免燃煤楂，坐看霜嵐更排闥，一笑前人亦爾爾，去皮食芋軾與括。

同人約夏日謁聖不果

偶集多應落伍儂，補詩聊得此從容，遙知萬仞宮牆外，巧著多奇夏日峰，未信接輿歌以鳳，嘗師柱史道猶龍，老純嗟繼湘沅逝，無復長衫話辟廱。

冬日雜興

凍硯久弗親，持此何啣及，潛陽殷地底，歲事復云急，竹夢慰冬心，山雨成內集，爐床亦戒嚴，關元憶酒汁，塞堦幸麤完，圃畦求自給，人智逐時新，衡宇望雲立，願言家國念，均力窮蟻粒。

照頭山莊話雨

煙光照窗几，漏天時晦明，林栖日多暇，話雨子來成，意憐孤雁落，誰共寒鶯鳴，晚懷寄壅植，稚童慕甘英，枝間青且脆，剝擊無復零，看雲客自逸，湊趣同事誠，休嗤稽懶設，山指米家營，入門問蘭畹，盡足見風情，固知浮世間，除斯似強名，齋鹽有中饋，神思任縱橫。

聊息廬主人醺罷留宿

真看尊俎咄嗟收，即席攀人話舊遊，小試藏茶雖所好，索方解酒是良籌，故交相賞維頑健，罷醺何人可去留，夜半移燈照園蓄，有廬聊息利吟求。

共此絃竹陰與覺齋同賦

共此絃竹陰，擬復坐斯須，謂歸時尚早，晚暑猶中途，沙瓶更淪茗，約遊語可娛，嘉彼長壽山，三峽蜿其隅，寺僧墨汁衣，鶴骨憶青臞，掛簷南洋蘭，移植色未殊，歡談及別境，遣興是良圖，奈何歸侶催，詩似泛鳴弧。

次韻可軒夏日感興

相逢詩苑叩誰優，轉眼新蟬嘒已稠，慕學豈妨為折磬，賣文應足換耕牛，珠蘭過雨露臺晚，絃竹當簷伏日秋，且共紅茶試甜苦，管他軟美混嘉柔。

逢可軒於梅林書屋走筆贈之

每感坵居信緩通，江關朋集鮮能同，歸襟奎府徘徊候，立語梅林邂逅中，

肯斂詞鋒追我北，寧忘茗政值君東，可軒此意應嘉可，莫競筵華滯藻功。

癡雲代鷺村東招吟集於雙溪箕園賦此酬之

能多社誼掛卑棲，灑翰憑春適例題，豈不情深同一往，亦知詩料滿雙溪，
雲箋喜奉過餐午，道隧逢修到晷西，甚嘆追遊緣獨寡，空餘工力僭思齊。

颺後代東寄覺齋

無端毫墨剩餘哀，茅屋秋風曉夢回，寸幸未應遺小我，野廬猶耐度強颺，
澗邊帶苻沿牽在，霧裡屏巒取次開，儘聽江關多被水，不能我去而君來。

題尺園社渚新居

才訪新居社渚東，喜聞蔬菜士林豐，鴛鴦座毯花尊側，大直窗山雨望中，
可見潮陽能佐治，不然銀盾與銘功，掛冠營室為君賦，早有鳴鶯聚桂叢。

颺後歸照頭山莊

阻滯有兼因，閑忙亦非純，告警似未解，可回即良晨，籬短地且高，有

崦在南鄰，盜不念把茅，路問怯逢人，大兒方補屋，諸稚尚驚鱗，婦媳報姑嫜，語笑指風塵，瓜架飛芋區，畦卉翻成茵，何幸簷宇間，叢菅衛蘭筠，天候誰得測，狂飈事切身，文德何敢言，夢應繞席珍，拂榻繼歌哦，書以謝所親。

蝸牛詩和韻

蟲患為時惡，斯患今誠多，詩所謂蝸牛，俗則名洋螺，好奇喜庸彼何責，食人之食當奈何，山居蔬圃為兼業，見青來食防無法，祇應勤捕囑童兒，帶甲斷碎飼鵝鴨。

誘鶴齋小集

茗筵從便借齋居，地址雖街可入詩，獨戀後簷連遠翠，臥聞啼鳥在高枝，盍簪一向無非意，片晷千春抵此時，況獲書觀歌幼幼，雲麾爭勝與唐碑。

林文訪招遊板橋舊第之作

會詩消夏或良猷，風土前陳憶數秋，一晌再舒坪頂望，七年方續板橋遊，
來青依舊宜茲閣，觀稼何人署彼樓，甚欲銀鉤師二妙稿作少。，況聞碑拓汗
淋牛。

依嘯霞古稀吟原韻即以奉壽

人多話子藝園趣，我則慕君顏何駐，飛黃穩夢付前塵，大笠跣鞋稿從革、奚。助
園雇，養頤得道古有聞，矍鑠光儀今罕遇，蓋嘗訪我垆之深，送子聯翩
越嶺霧，去年原來已六九，能與覺齋爭勝具，往往見稱媿二難，前後嘉
招一再赴，朋歡綿邈率中真，別業從容繪後素，祇憐酬應在花時，鬩動
傾都網溪渡，竹門車動貴遊還，燠甕餐留佳客住，最憶篁丘叫畫眉，茗
屋秋煎松瀑度，只今杖國合揚祥，照座名題已無數，敢諛郭璞定前身，
樂府當推今白傅。

掌摩天行於網墅同作

嘯霞留飲園墅秋，竹枝菊蕾蘭葉稠，附榕有植齊其修，維條無葉卷蒼虬，亦知花作白蓮幽，多與冀牆荆棘儔，此獨錯節相綢繆，微物觸興應有由，園藝閒政胡悔尤，能藏古酒若黃流，鬚綠名。筍薦尾芋薦頭，醉眼溪窗意自優，徒從隱几試冥搜，手愧空中造鳳樓。

獅山紀游

藤葛今游未上攀，禪房信宿石林間，聽經常念南無佛，嗟我重來鬢有斑，願彼無雙米谷字，長藏第一故鄉山，內人手拾新紅葉，歸獻慈幃定解顏。

書歸仁錫權先生墓石 四首

窀穸云安宰木齊，怕聞陟岵話餘悽，先塋北滬荒文藻，悶應歸仁墓石題。賢人自計百年途，形勝家言似畫圖，或寄壅根遺後意，堅棺埋玉冀箕湖。生氣能教地質奇，龜潭葉剪綠琉璃，九原靈爽應欣此，跨灶兒孫省墓時。纍纍坏土賴洪纖，別擁牛眠氣象兼，足證生時仁術計，口碑遺惠滿閭閻。

太魯閣峽歌

在昔曾尋大魯閣，詩墜茫昧蓋所然，如今山河歸故國，淒迷舊夢迴清妍，
螺盤萬轉東海道，鴻濛橐籥開奇天，頗憶捨車度白龍，用蕃執輿發花蓮，
燕婉同行有二妙，亦各攜儷相聯翩，裙衫出沒當峽道，羽鱗絕跡於天淵，
乾坤雷浪礮數十里，影響光怪倏變遷。高山之族作倭禮，穴居語自空聞
傳，其時經行止錐麓，斷岩稍仰頭即眩，神傷開鑿載道碑，犧牲何多誰
為憐，嗟彼治蕃那堪述，磨崖紀績思垂涎，滅德侵人豈足賴，終見滄海
復桑田，老來掛一常漏百，惟有山水夢相牽，燈窗昨讀古遊記，龍門明
月交纏綿。

光復感賦

啟蟄春雷何足方，太平初報豈荒唐，看他歷劫三千界，笑抵居夷五十霜，
禮樂受降仍漢典，山河收復並臺疆，欣聞合曲雖存古，定不琴材泥嶧陽。

光復經稔，歸竹南賦此寄慨

站車曉發帶煙暉，似聽颿輪載夢飛，聖戰高標從夙杳，故鄉今日是言歸，
家園近海忘三伏，親友多情萃四圍，話到髭齡此時鬪，約追沙馬莫相違。

次韻奉報文訪兄惠詩

常憶追遊十稔前，時聞警語掃雲天，契闊談讌誰不懷，時艱俗累紛相連，
忽獲良書寄清曠，劫後心聲想無恙，梅村最近論鑿詩，深戒孤軍敵文訪，
能令薇閣道益昭，空陂覽古誰聯鑣，啟蒙相勉意良厚，學海浮槎祇順潮，
用筆課童那得熟，教科紛紛如轉轂，祇今百務競時間，籌補舜衣尤望速。

冬至日間遣寄弟

血壓年年盛幾回，不妨消遣向靈臺，照書所說陽今復，退食從公雨又來，
碗面紅糰霜桔大，籬根絳豔早桃開，也知詩就無他用，但可塗鴉寄覺齋。

讀文訪兄等遊馬武督詩賦寄

君遊馬武督，鳴儔共翱翔，我老不獲俱，奉詩企景光，壤接關西鎮，古之蕃山場，佃農肆賓席，修坡俯羊腸，能賦乃登高，憐春烘載陽，譬猶觀寶庫，卣彝間圭璋，龍文從漫滅，猶可認周商，自然誠不盡，抄襲非所長，嘆羨獨臨風，鳥語飛葉黃，苦吟窗欲暝，莽熱亦屢忘，一任家人嗤，技癢理之常。

春酒

素雖少飲盛吟緣，述酒可無詩一篇，亦喜自公寒放假，仍謀請客小開筵，魚鮪蒜白因時出，石凍拋青空夢牽，幸得鄰翁走相報，坊間局釀有陳年。

根茹兄以新居謀開詩會見招，賦此寄之

弄筆當花亦快哉，壓瓶野蕾似紅梅，嘉招有友新居賦，長壽平橋踏月來，既豔高齋多景說，又將擊鉢廣筵開，來宵或偶雙驅三輦，拔幟詩壇看俊才。

賦詩風答友生

友朋會合興方濃，嗜好有由難苟同，問我吟詠誰最工，此語欲達殊渺茫，
偏新執舊似不通，白話歌詞豈足宗，即以艱深棄漢唐，新詩藝術類孩童，
但填腐典夫奚庸，今之所需亦時中，論詩叢脞不可當，時代名詞誠洋洋，
電燈明滅幻絳黃，白蘭地醕非不芳，局瓶我愛紅露紅，四千年來文采彰，
應世在我辨否臧，眼前即事可成章，層漢月出窺蕉窗。

於叢慶堂懷文訪兼似夢周

襟寒淺夢醒，相好近忘形，談席從茶冷，簷峰出畫青，小詩思且得，候
鳥坐堪聽，灑落前賢意，何求五達靈。

次韻奉酬夢周兄

良覲緣叢慶，離塵草木芬，談窗三笑樂，賽典六街紛，苦茗驕紅荔，仙
嵐伴懶雲，內容知不逮，詩料愧平分。

晴郊

停車矚隴畝，稻稿頭已黃，蔬菜鋪綠錦，光景近載陽，奈彼岸簞一何密，頗障名山名大直，青春昔夢未全忘，跋馬晴郊如昨日。

覺齋來談木蘭花事即興

錦西園趣未應謙，花事閒談瑣豈嫌，神韻木蘭真賞後，沈檀睡鴨那思添，高標嘉樹無彎曲，下視群芳鬥巧纖，頗怪義山詩固好，不論蓮蕙妙香兼。

酬香林兄寄懷之作

文獻關心過啟蒙，詩來尤喜自瀛東，敢嫌職寓如蝸小，漫說家雞與鳳同，首夏將交猶苦雨，懷人在遠每臨風，遙知夙富亭園興，定有洋蘭石畔紅。

壽春潮兄七十

老夫怕用入詩騷，況肯憑才稍自豪，欲頌謙光延壽豈，披箋先試吉羊毫。

過圓寰

豈因杖履老間關，咫尺連旬阻往還，一局春檯紛角黍，百燈夜市過圓寰，
耳邊世相常難卻，分外憂端未解刪，為告同懷蕭散事，天明撈蜺約松江。

尋菊

雄區何處有東籬，路遠名園在輞湄，肯棄間栽蝸寓後，凌霜均動晚芳枝。

月下

中秋幾地鬧燈猜，依例家常餅宴開，合是時艱機欲轉，風清雲破月華來。

辛卯詩人節紀念鄭成功

猶記先君子，愛說延平於當時，據金夏兩島，抗八旗全師，瓜州奪取，
電掣風馳，今日詩人度節，緣應引古修辭，時艱滿眼，何以濟之，亟驅
醜虜，毋使子遺。

松江春日

春流小景映談窗，對浴嬉鵝並作雙，既共澄腸期夏蜺，應思錫口即松江，

暖波南去通滄海，洋屋中庭夾綠椽，笑向東風嘉近局，不爭煙水是漁艫。

覺齋答詩次韻卻寄

閒情年假趁群萌，約日相尋正擬更，為有巾箱須小理，非關體恙未全平，
懸心漢字傷書蠹，嘗夢洋漁射海鯨，近喜簾壩相和熱，益嗟詩社久寒盟。

詩會 擊鉢於松山友鶴處。

盟鷗常夢舊江鄉，事美難齊亦聽將，數子莫來成小集，一詩隨意遣閒忙，
霏微暮色街燈早，綠淨庭盆水葉長，頗悶當筵含病齒，看他東道自連觴。